



अध्याय 4

कागज़ दियां दस्तकारियां

इस अध्यास च, तुसैं गी इक आकर्शक कलात्मक माध्यम दे रूप च कागज़ गी इस्तेमाल करने दा मौका थ्होग। तुस फोल्डिंग, कटिंग ते बुनाई जनेही बक्ख-बक्ख तकनीकें दा पता लागेओ। एहदे च, तुस भारती कला परंपराएं जि'यां के कागज़ दी कटिंग। तुसैं गी इस बहुमुखी समगरी दे कन्नै प्रयोग करने दे केई रचनात्मक तरीके मिलडन।



0680CH04





गतिविधि 1: पेपर फोल्डिंग

फोल्डिंग पेपर दी कला गी ओरिगामी दे नांs कन्नै जानेआ जंदा ऐ। एह् इक कला रूप ऐ जेह् दी उपज जापान च होई ऐ ते एह् दुनिया भर च फैली गई ऐ।


होई सकदा ऐ जे तुसें कागज़ गी फोल्ड करियै किश चीजां बनाना पैह् लें गै सिक्खी लैता होऐ।

क्या तुस सदाको ते जहार पेपर क्रेन दी कहानी जानदे ओ? सदाको इक 11एं बरें दी जापानी कुड़ी ही, जिसगी 1945 च हिरोशिमा पर परमाणु बमबारी दे माड़े प्रभावें करी इक लाइलाज बमारी लगगी गई ही। जिसलै उं'दा हस्पताल च लाज चला दा हा, तां उं'दे मित्तर ने उं'नें गी पेपर क्रेन बनाने दे बारे च इक

किंवदंती दस्सी। सदाको ने जीने ते अपने जीवन गी बधाने दी मेद कन्नै 1000 कागज़ दियां क्रेनां बनाना शुरू कीता।

644 क्रेन बनाने दे किश गै समें परैत उं'दी मौत होई गई। पर ओह् आपू दुनिया भर च इक किंवदंती बनी गेइयां न। अज्ज बी दुनिया भर दे लोक कागज़ दियां क्रेनां बनांदे न ते इसगी जापान दे बाल शान्ति स्मारक च भेजदे न। कागज़ दियां क्रेनां शान्ति दी नशानी बनी गेइयां न।

तुस फोल्डिंग पेपर कन्नै केई बक्ख-बक्ख चीजां बनाई सकदे ओ। अपने शिक्षक, माता-पिता ते दोस्ते कोला सिक्खो जे कागज़ गी फोल्ड करियै बक्ख-बक्ख किसमें दियां चीजां कि'यां बनाई जाई सकदियां न।



पेपर क्रेन बनाने दे निर्देश



सांझी पेपर कट

सभनें दा पालन करना चेता रक्खो
कैची ते कागज कट्टने आस्तै तेज
उपकरणें गी सम्हालदे समें सुरक्षा
सावधानियां !

गतिविधि 2: कागज कट्टना

सांझी इक पारंपरिक कला रूप ऐ जेह् दा अभ्यास मथुरा ते उत्तर प्रदेश च ओह् दे आसे-पासे दे खेतरे च कीता जंदा ऐ। नेहा मन्नेआ जंदा ऐ जे इस कला दा इस्तेमाल मूल रूप कन्नै स्टेंसिल रंगोली. दे रूप च कीता गेआ हा। अज्जकल, एह् स्टेंसिल कागज कन्नै बने दे होंदे न ते बक्ख-बक्ख डिजाइनें ते छवियें च बड़े बरीकी कन्नै कट्टे जंदे न।

तुस अपनी तस्वीरें ते डिजाइनें दी योजना बनाई सकदे ओ, ते असान स्टेंसिल बनाई सकदे ओ। तुस लालटेन ते होर केई सजावट बनाने आस्तै बी इ'नें कागजी कटिंग दा इस्तेमाल करी सकदे ओ।

इत्थै किश विचार न। आपूं प्रयोग करो ते अपनी क्लास च इक दुए दे कन्नै नमें बिचार सांझे करो।




क्या तुस जानदे ओ

त्हारें ते दे दरान डोरें पर लटकाए गेदे कागज, टल्ले जां प्लास्टिक दी सजावट गी बंटिंग आखेआ जंदा ऐ। ओह् आमतौरें पर बड़े रंगीन होंदे न, ते बक्ख-बक्ख आकारें ते प्रतिरूपें गी कट्टियै होर बी सजावटी बनाए जाई सकदे न!

गतिविधि 3: कागज दी बुनाई

कागज़ इक जादुई समगरी ऐ। जि'यां के तुसें पिछली गतिविधि च दिक्खेआ हा, एहू असानी कन्नै रूपें गी बदली सकदा ऐ। किश कटौती ते परतें कन्नै, एहू जीवें ते वस्तुएं च रूपांतरत होई सकदा ऐ।

चलो कागज़ दी बुनाई गी तयार करने दी इक होर विधि दे कन्नै प्रयोग करचै। जेकर तुस अपने आस्सै-पास्सै दे कुसै बी टल्ले गी बारीकी कन्नै दिक्खदे ओ, तां तुस दिक्खी सकगेओ जे एहू कसियै क्रास-क्रास धागे कन्नै बने दा ऐ। इस क्रिस-क्रास गी **ताना ते बाना**। बी आखेआ जंदा ऐ चलो इ'नें गी कागज कन्नै करने दी कोशश करचै। तस्वीरें गी दिक्खो ते अपनी चटाई बुनने दी कोशश करो।



जारी रखो: कुदरती रेशा, कपाहू, उन्न, बंझ, जूट, ताड़, बुनाई आस्तै टल्ले दियां सुट्टी गेदियां पट्टियां बगैरा जनेहू होरनें साधनें दा पता लाओ

